

Exposicion di Arte di Waldy Simson na Instituto di Cultura



ORANJESTAD (AAN) -- Waldy Ricardo Simson ta un artista polifacetico cu tin hopi di ofrece, ora e ta presenta su obranan dilanti e wowo critico di espectador. El a nace na Paramaribo, Suriname, riba dia 22 di november 1962, y e ta domina e siguiente disciplinanan: Tifany, Ceramica, Corte di Papel, Grabacion, y Buki di Cantica y Poesia. Simson ta presentando un exposicion di arte den e Sala di

exposicion di Instituto di Cultura, cual apertura oficial ta bay tuma lugar diadomingo 6 di juni awor, pa 6'or di atardi. E exposicion lo keda habri te dia 19 di juni, di 9'or di mainta pa 1'or di atardi, y di 6'or di atardi pa 9'or di anochi. "Duna arte un lugar digno den bo bida" ta e lema di e artista sensible aki, ken na aña 1998 a dedica un poesia yama "Aruba" na nos pueblo en general y, specialmente su

amigonan di San Nicolas, cual a worde traduci na Papiamentu pa Sr. Rufo Odor y cu ta bisa asina: "Incansable mi wowonan tabata balia, Bo beyeza terenal y bo briyante solo, Tabata toca pa mi e musica di mas bunita. Bo solo a hacimi sinti Bo braza caluroso, Bo solo cu nunca ta baha! Bo playanan ta precioso, Y casi soñando di placer.

Mi tabata mira e colorman di Rembrandt Den bo propio lama". Instituto di Cultura y Waldy Simson ta haci un invitacion cordial na henter nos comunidad, y particularmente esnan

amante di ceramica, pintura, y literatura, y specialmente nos hubentud, pa bishita e exposicion aki. Riba potret por observa e artista banda di dos di su cuadronan.